

Dalam Negeri

Jualan tapak gerai Pesta Konvo Universiti Sains Islam Malaysia berlangsung meriah

SEREMBAN 3 Okt. - Fasa kedua jualan tapak dan pendaftaran gerai Pesta Konvo Universiti Sains Islam Malaysia (USIM) di universiti itu baru-baru ini berlangsung dengan meriah.

Ketua Bahagian Perhubungan Awam sambutan Pesta Konvo USIM, Kamil Afiq Mashruddin berkata, sambutan jualan tapak pada tahun ini agak luar biasa berbanding sebelum ini berikutan penganjuran pesta itu yang serentak dengan Majlis Konvokesyen ke-12 di Dewan Besar USIM.

“Saya berharap agar Pesta Konvo USIM tahun ini berjalan dengan lancar seperti yang telah dirancang dan dapat mewujudkan persaingan yang sihat di kalangan peniaga.

“Visi utama pesta konvo kali ini ‘Menghidupkan Sunnah dan Pengantarabangsaan’ pasti akan tercapai dengan kerjasama semua pihak,” katanya di sini hari ini.

Menurut Kamil, sambutan yang sangat menggalakkan telah diberikan oleh para peniaga yang datang rata-ratanya dari dalam dan luar USIM.

“Perkara ini disebabkan oleh harga tapak yang ditawarkan adalah sangat berpatutan di samping ingin mencari peluang menjana keuntungan demi menambah pendapatan mereka.



“Penyertaan buat kali kedua dalam Pesta Konvo USIM adalah disebabkan oleh minat yang mendalam dalam bidang perniagaan di samping ingin menambah pendapatan sedia ada,” jelasnya.

Aktiviti jualan tapak dan pendaftaran gerai tersebut telah dibahagikan kepada dua sesi iaitu sesi pertama khusus untuk gerai yang menjual bahan-bahan kering dan sesi kedua adalah untuk gerai yang menjual barangan basah.

Fasa kedua jualan tapak itu adalah kesinambungan daripada fasa pertama pada 21 September lalu yang mana ia hanya dikhususkan untuk jualan tapak dan pendaftaran gerai bunga dan cenderamata.

Dalam pada itu, akhbar *Utusan Malaysia* dilantik sebagai media rasmi sempena Karnival Keusahawanan Islam ke-10 (Iceps10) dan Pesta Konvokesyen 2014 USIM yang



PENIAGA diberi taklimat oleh wakil ICEPS 10 di fasa kedua jualan tapak dan pendaftaran gerai Pesta Konvo Universiti Sains Islam Malaysia di Seremban, baru-baru ini. - UTUSAN/ MUHAMMAD ASYRAF AZLAN

dijadualkan berlangsung pada 13 hingga 16 November depan.

Sebelum ini, majlis penyerahan surat pelantikan media rasmi itu

telah berlangsung di Fakulti Ekonomi dan Muamalat USIM yang disampai oleh Penyelaras Program Iceps10, Dr. Nuradli Ridzwan Shah

kepada Eksekutif Pengurusan Jenama *Utusan*, Hazwan Hairul dan Penolong Pengurus Pengurusan Jenama *Utusan*, Hazura Ahmad Halil.